



Орган Лемковского Союза.

Выходит в каждый четверг.

Редакция и администрация в Крыници. — Адрес „Лемко” Крыница.

Всіх читателей, котры не вплатили ище пренумераты, просиме выровнати якнайскорше рахункы.

Также просиме присылати членскы вклады до Лемко-Союза.

Кто хоче достати иллюстрованый **Календар** „Лемка” на 1936-ой рок, нехай присылат якнайскорше гроши.

Ціна одного календара выносит **50 гр.** При замовленьях 10 календарей покрыват редакция оплату почтову.

Для облегченя в пересылці грошей за календары и пренумераты высылат ся в приложеню чеки П. К. О.

Яка єст ціль Лемко-Союза.

Штобы познакомити як найширши кругы нашого населеня с програмом и цільом, які поставили собі члены основателі, закладаючи Товариство Лемковский Союз в Горлицах буде редакция „Лемко” поміщати частями статут основаного Т-ва. Першу часть статута поміщаме уж в том числі на стор. 2-гой и просиме Почтенных Читателей перечитати уважно цілый статут, бо лем втотчас може каждый сам осудити, ци тото товариство отвічат потребам нашого населеня и ци люды, котры основали тото Т-во мали на оку добро, ци тыж шкоду Лемковщины. Жадаме суда объективного и справедливого и радо приймеме каждую річеву замітку, яка насуне ся читателю по уважном перечитаню статута.

От себе замічае, же основателі Т-ва Лемко-Союза в Горлицах основали єго в добрых наміренях и их одынока ціль єст поднести Лемковщину культурально и экономично. До той цілі стремит Л-С. через урядженє ріжних курсов и закладанє читалень и кооперативов.

Молочарство на Лемковщині

Дня 3-го листопада т. р. отбыло ся под председательством г-на д-ра Я. Сьокалы, адвоката в Горлицах, собранє ориєнтациєне в ділі основаня молочарского кооператива во Флорынці, пов. ново-сандецкого и уложєня молочарской сїти на терені Лемковщины. Участники собрания, котры поприходили праві со всіх сел пов. новосандецкого и с многих сел пов. горлицкого, по выслушаню реферата, выголошеного М. Троха-

новским, о користях, які дає населеню добре ведєна кооперативна молочарня, приняли живу участь в дыскусии, в котрой выказали сильне заинтересованє ся начатым ділом. По дыскусии, рішено одноголосно основати кооперативну молочарню во Флорынці, котра обняла бы села Флорынку, Королеву Руску, Богушу, Білцареву, Вафку, Яшкову. Брунары Выжны, Брунары Нижны и Поляны и выбрано комитет, члены котрого мают до двох неділь собрати декларации приступленя в члены той молочарні и усмотріти отвітне помещенє.

Кромі того рішено одноголосно отнести ся до компетентных властей в ділі утворєня сїти молочарского промысла на цілой Лемковщині при помочи перєзначєных Министерством Рольництва и Реформ Рольных на тоту ціль кредитов. Участники собрания, операючи ся на конференции, яка отбыла ся дня 17. жолтня т. р. в Министерстві Рольн. и Реформ Рольных при участии представителей Рольных Палат и кооперативных молочарских Союзов и на котрой рішено оживити молочный промысел через утворєнє сїтей того промысла, заявили одноголосно, же утворєнє такой сїти єст доконче потребне в першой мірі в терєнах горских, аджек и на Лемковщині, где заходит пєкуча потреба перемінити способы господаркы рольной, а именно с господаркы хлібной перєйти на господарку пашну и молочну.

Лем годовля рогатой живины и овец и масова продаж молока може поправити быт горского населєня. Штобы однак заинтересовати широки кругы населєня молочарским промыслом, треба дати єму возможность продати користо молоко, што може ся стати лем через основанє сїти молочарского промысла.

Собраны рішили одноголосно, же для оживленя молочарства на Лемковщині потреба основати што наимєньше:

в повіті ліском	3	осередкы молочарскы
„ „ сяночком	3	„ „
„ „ корос- нянском	2	„ „
„ „ ясельском	1	„ „
„ „ горлицком	3	„ „
„ „ ново- сандецком	2	„ „

Разом на цілой Лемковщині 14 осередк. молочарских. Тоты осередкы (централі) мусят мати цілый ряд отділень, в котрых буде отберати ся сметанку и довозиги до осередка. Представленє той пєкучой справы компетентным властям и составленє потребных подань и мемориялов поручило собранє одноголосно Т-ву Лемко-Союза в Горлицах, котрый має ся заняти перєведенєм акции молочарства на Лемковщині.

Принимаючи на себе обовязок перєведеня справы молочарства на Лемковщині, Лемко-Союз звертат ся до зарядов читалень и наших видных людей с слідуючом просьбом: До подань и мемориялов сут нам потребны назвы тых сел, котры надают ся в даном повіті на осередкы (централі) молочарского кооператива и также назвы тых сел, котры могли бы належали до той централі, маючи у себе лем центрифугу для отобраня сметанкы. Таки выказы мусиме мати в найкоротшом часі со всіх лемковсыых повітов и просиме нам их прислати до редакции газеты „Лемко” в Крыници.

Не забудьте,

же слідуюче засіданє комитєта в ділі основаня молочарні во Флорынці отбудє ся в неділю дня 17-го листопада о год. 13-той в дому г-на Василя Дубца. Всі члены комитєта мают явити ся с подписаныма декларациями и списом коров в своем селі.

С фронту італіянско-абисынського.

Італіяни машерують наперед на всіх трох фронтах.

Боеве напруженє в війні італіянско-абисынської увеличат ся с каждым дньом и то на всіх трох фронтах.

На фронті полночном

італіяни начали наново офензиву на місто Макале. Приготовленя до той офензивы тревали три неділі. На терен военный перевезено 10 тисяч тон провіантов и амуниции. До той цілі урухомлено 3500 тягаровых авт. На переді рушили відділы тубылчи Аскарисов. За нима ишли танки и колюмны регулярных войск, а на конці відділы „Чорных кошель”.

Розвідчи леты італіянских самолетов не натрафили нигде на больши формации абисынских войск. Спостережено лем килька гнізд машинных карабинов и килька противсамолетных армат. Начальник розвідчой ескадры не вірит однак, жебы нигде не было больших абисынских сил и твердит, же абисынскы войска трудно спостеречи, бо они переносят ся с місца на місце в ночи, а в день ховают ся, выкористуючи неровный горський терен. Італіяны судят, же не дойде до великих боєв, бо абисынчики согласны со своим дотеперешным тактыком, уникают открытых боєв, в котрых не мали бы зрештом великих шанс со взгляда на величезну техничну перевагу італіянских войск.

Італіянскы войска дошли уж до Гавсиен,

міста положеного на половині дороги меже Адигратом и Макале. Посуванє ся войск єст повольне, бо терен єст барз тяжкый, а при том італіянскы войска боєт ся окруженя их через абисынчиков, котры на фронті рікы Сетит згромадили великы силы и робят штоденно выпады до Ерытреи на тылах італіянской арміи. Загрожена тотя позиция італіянцев змушат их до удержаня значных сил на терені Ерытреи.

На фронті полудневом

італіянскы войска, займаючи найдальшу, западну часть фронта, посувають ся в стрєфі Дольо. В добре поинформованных кругах абисынских сут пересвідчены, же генеральна офензива італіянских войск начне ся аж в другой половині листопада.

Дакотры жерела доносят, же абисынскы войска отобрали італіянцям Герльогуби и Уаль-Уаль. Італіяны перечат рішительно тым вістям.

На всходном фронті,

недалеко Муша Али кавалерия італіянска мала поновити атаки на насып горський. На разі ніт с того фронта точных вістей.

34 тисяч убитых и раненых

єст дотепер на полночном фронті.

В Аддис-Абебі оголошено офіційный комунікат о стратах в дотеперешных боях на полночном фронті.

Комунікат тот подає, же страты абисынскы на том фронті выносят 20 тисяч в убитых и раненых. Страты італіянскы

обчисляют в том комунікаті на 14 тысяч убитых и раненых.

132 італіянскы тягаровы авта упали в пропасть на фронті.

В звязи с приготовленєм офензивы на тыгрєйском фронті, інтендантура італіянска переслала на фронт 56 тысяч тон ріжных товаров тягаровыма автами и 40 тысяч тон желізницом.

В часі транспорта 132 тягаровы самоходы упали в пропасть и розбили ся, нищащи товар.

Картелі треба розвязати.

Жде на тотю ціле населєнє.

Штобы продавати свои товары по якнай-высшій ціні и штобы не мати ниякой конкуренции, завязали фабрыканты великы сполкы, котры называют ся картелі. В такы картелі злучили ся фабрыканты цементу, желіза и т. д., и тоты товары сут барз дороги не прото, же их продукция єст дорога, але прото, же фабрыканты, знаючи о том, же поза нима не має никто инший того товару, друт с покупателя скору, як лем хотят.

Нич дивного, же ціле населєнє нарікат на картелі и жадає их розвязаня. Дала тому выраз програмна дыскусия в Сеймі дня 29. жолтня т. р., котра перемінила ся в манифєстацию антикартельную. Праві всі послы, котры забирали голос в дыскусии над

Статут Лемковского Союза

Арт. 1.

Общество под назвом „Лемко-Союз”, маючиє місце пребываня в Горлицах, обнимат своим діяльностью терен Лемковщины.

Арт. 2.

Лемковский Союз має на цілі поднесенє и угрунтуванє серед руского населєня Лемковщины єй руского духа и национального освідомленя, поднесенє єго под взглядом духовым, моральным, физичным, економичным, и господарчим, а то через утворєнє сталої, цільной організації, діявующой тревало, пляново и систематично на почві культурально-просвітной, финансової, економичной и господарчой.

Арт. 3.

В цілі достыженя выше упомянутых постановлень статута, а передовсем в цілі ведєня цільной, систематичной, организованной діяльности, Союз творит и удержує свои органа администратийны, а именно:

а) администратийны відділы по повітовых містах, котрым будут приділены администратийны районы.

б) делегатов администраторов по меньших містах и селах.

Арт. 4.

Члены Союза, их права и обязанности.

Звычайным членом Союза може быти каждый без ріжницы пола, свідомый своей русской национальности Лемко, а с людей русской национальности, але походженя нелемковского, може быти членом Союза каждый, если трудит ся на почві национальной, культурально-просвітной и економичной в користь Лемковщины. Крім того членами Союза могут быти рускы инстытуции, читальні Качковского, касы, кооперативы и т. д. Обязанком каждого члена єст принимати активну участь во всіх роботах Союза в цілі достыженя задач, вычисленных в арт. 2., выполняти точно поручєня Правленя, старати ся увеличити число членов Союза через добыванє новых членов, уплачати місячны вклады, быти платным

пренумератором редакowanego Союзом органа, а то под рыгором вычеркнєня со списка членов Союза.

Каждый член має право принимати активну участь в собраниях Союза и право голоса.

Арт. 5.

Крім членов звычайных в склад Союза могут входить также почетны члены. Достоинство почетного члена надає обще собрание Союза на внесєнє Правленя тым особам, котры особенно прислужили ся для добра Союза, взглядно єго цілі. Почетны члены не платят вкладок и мають всі права звычайных членов.

Арт. 6.

Членом Союза перестає быти: 1) кто доброохотно с него выступит, 2) кто буде вычеркнєный, або выключєный. Выступленє можна зголосити каждого часу на руки Правленя. — Вычеркнєный може быти через Правленє член, который помимо трехкратного зажаданя не выполнил поручєнь Правленя, або тыж даяким другим способом нарушил постановлень статута, або также не платит членской вкладки за одєн рок. Выключєня доконує Правленє, списуючи одночасно протокол.

Арт. 7.

Организация и склад Союза.

В склад Союза входят члены, приняты Правленєм на силі арт. 4.

Арт. 8.

Власти: 1) Обще Собрание членов Союза 2) Правленє 3) Контрольная Комисия.

Арт. 9.

Обще Собрание членов Союза єст єго найвысшим органом. Обще Собрание має быти скликанє каждого року в місяці грудню в Горлицах. День, місце и порядок собрания означат Правленє.

В собрание Союза принимают участь лем члены. В кругу общего Собрания членов Союза належит выслушати и передыскутовати отчеты с єго рочной діяльности, оговорити и уложити програму работы на рок текущий в звязи с потребами и проявами народного житя культурально-просвітного и економично-господарчого на Лемковщині.

В особенности до компетенции Общего Собрания членов належит:

господарчом програмом правительства, кончили свої бесіди словами: „треба розв'язати картелі!“ Не бесідовало ся тепер о акції пониження цін картельних, як то було давнійше, але висунули всі значно радикальніші жадання розв'язання картелей и ликвидации той форми організації промисла.

Давнійше уж была поднята борба с картелями, але оказала ся она недостаточна. По розв'язаню н. пр. картеля цементного, што дало хвилеву, значну обнижку цін, прирост продукції и увеличенє запотребованя, повстал новий картель цементный, штобы дальше вести вызыск.

А вызыск в картелях єст страшный. Недавно был в газетах опис одного с найбільших картелей, опертый на числах. С чисел тых видно, же тота скартелизована галузь промисла має 450 дыректоров, вице-дыректоров, членов надзирательных рад и правлень, котры в р. 1934-м достали сталої пенсії 5 миллионів 864 тисячи 762 зл. а провизии и ріжних додатков до пенсій друге тилько.

Числа тоты бесідуєт сами за себе и не треба их поясняти. Нич дивного, же ціле населенє жде от правительства розв'язання картелей, яко форми шкодливої для загала.



Як зимувати пчолы.

Каждый досвідчений насічник знає, што пень, котрый хочеме добре перезимувати, мусит мати дост корму, мусит быти так сильний, штобы пчолы обсідали на чорно штонайменьше 5 рамок о вымірах 22·5 см.

на 48 см. Пня, безматка и пня не обсідаючого 5 рамок не зимуєме, але лучиме разом 2 слабы пні, а пчолы с пня — безматка додаєме с рамками до пня с добром матком.

Коли упорядкуєме пні, перезначены до зимованя, втотчас забераме с улей надмір рамок, то єст тоты рамкы, яких пчолы не обсідають. Если пчолы мають за мало меду, втотчас подкармлиаме их ростущим в первареной воді медом, або сиропом (на 1 литр воды 1 кг. цукру) так, штобы послідна рамка, яку обсідають пчолы была до половины заполнена шитым (засклепленным) медом.

По подкармленю смітник и свободне пространство медже перегородом и дверчиками выполняме отавом або сіном. Всякы щелины в улю замазуєме глином, а очко с'ужаєме так, штобы лем одна пчола могла свободно перелізти.

Пчолы можна зимувати або на пасічнику (на дворі) або в порожной, неопаленой комнаті, або в шопі, або закопаны в землі. Долголітны досліды выказали, што пень, середно сильний, закопаний в землі, спотребовал через зиму о 4 кг. меду меньше и на яр был сильнійший, як такий сам пень, зимований на пасічнику. Пчолы, закопаны в землі зимують спокійно, не сут наражены на наглы зміны температури и т. д.

Як закопує ся пні.

Місце, в котром хочеме закопати пчолы, мусит быти безвзглядно сухе, так, штобы не подмокало в часі дожджей, або в часі весняного таяня снігу.

Пні закопуєме в погодный, теплий, осенний день, в початках листопада, або и позд-

нійше, в зависимости от того, ци зима єст вчасна, ци поздна. Добре єст безпосередно перед закопанєм пчол облітати их и в той цілі в тепле полудне хуханєм в очко выкликуєме пчолы до облета.

Ров, в яком хочеме зимувати пчолы, мусит быти глубокий на 80 см. (штобы в нем скрыл ся пень) а долгый так, штобы можна коло себе уставити всі улі. На дно рова кладеме лигари, а на них укладаме стоячо улі и обтыкаме щельно соломом. Яму зверха прикрываме дощками, на які накладаме верству (на 5—10 см.) соломы и пришмаряєме земльою на 30 см. грубо. Твориме копец, подобный до копца на грулі, ріпу, бураки и т. д. Вокруг копца робиме ров, глубокий на 20 см., а широкий на 30 см. и одно отпровадженє для воды, стекающей с копца.

Так закопаны пчолы зимують барз добре, а што найважнійше, потребуют о много меньше меду, як зимованы на дворі (пасічнику).

В. Д.



СТРАШНА СТАТЫСТЫКА.

Генеральный секретариат Лиги Народов выказал, же в р. 1934-ом умерло от голода и нужды 2·4 миллиона людей, а 1·2 миллиона людей отобрало собі житє с той самой причины. Дальше статыстыка тота выказує, же на 2 миллиарды людей, жиющих на цілой земельной кулі, лем 500 миллионів має выстарчаючи средства на достаточный корм а решта, ту нуждары, терпячи голод.

1) принимать и затверждать отчеты Правления с діятельности за мнувший рок, а также уділити абсолюторию с рахунковых билансов на внесенє контрольной комиссии.

2) ухвалити програму работы на найближший рок.

3) ухвалити высоту вписового и вкладок.

4) выбрати председателя, заступника и членов Правления.

5) змінити статут Союза.

6) розв'язати Союз и зарядити єго маєтком.

До правосильности ухвал потребна єст присутность што найменьше 30-ох членов Союза. Ухвалы западають звычайным большинством голосов, в случаю равенства рішат председатель. — Выборы на членов Правления, председателя и заступников, если собранє не згодит ся одноголосно за выборами через аклямацию, отбывають ся картками.

Внесеня самовольны, относячи ся до діл, не обнятых дневным порядком, мають быти найменьше на 7 дней перед собранєм зголошены в місцевом Правленю, котрый предклатат их на пленарном засіданю Правления, а погодивше Правленє предклатат их Общому Собраню.

Внесеня скоры, зголошены на собраню могут быти отшмарены, або переказаны Правленю до затвердження, або обдуманы и предложены на слідуячом Общом Собраню членов Союза. Если однак 2/3 части присутных на Общом Собраню членов Союза ухвалит скорость, собранє поддаст єго обрадам и предприиме рішенє.

Арт. 10.

Правленє: Правленє Союза єст органом репрезентационным навні, а также найвысшим єго органом инициативы, управляющим, контрольным и выконательным. В склад Правления входят: оден председатель, двоих заступников, дванадцетох членов и 6 заступников, выбранных Общим Собранєм на 3 літа. Члена Правления, перешкодженного хвилево в полненю обовязков заступат в том часі котрый нибудь с выбранных заступников. — На случай резыгнции, тревалой неможности полнения функции, або смерти члена Правления, входит на єго місце заступник и то ведля очереди выбора. Аж, если бы склад Правления таким способом пополняный здекомплетовал ся понизше 2/3 частей числа членов Правления, т. є. понизше осемнадцетох, втотчас Правленє должно скликати Общє Собранє в цілі выбора недостающих членов Правления и заступников.

Правленє отвічат перед Общим Собранєм за напрям єго работы, за розвите Союза и ужитє єго фондов. Правленє отбыват свои пленарны засіданя што 3 місяцы, напереміну, раз в Горлицах, пак в Сяноку и в Крыниці. В ділах скорых може быти скликане незвычайне засіданє Правления. Звычайне засіданє Правления скликує председатель, або єго заступник, жиющий при місци пребывания Союза. В том случаю заступник председателя єст обовязанный повідомити председателя на сем дней перед скликанєм засіданя Правления и представити председателю програму обрад Правления. На жаданє шестох членов може быти скликане незвычайне засіданє Правления. Члены, жадаючи скликаня незвычайного засіданя Правления, должны предложити на руки председателя, або єго заступника, жиющего в місци пребывания Союза писмо, в котром мають подати причину скликаня засіданя и предмет обрад.

Кромі пленарных засідань Правления отбывають ся каждой другой суботы або неділі місцевы засіданя членов Правления в слідуячих складах: місцевы засіданя при центральном отділі отбывають ся в комплекті пятох членов Правления, с чого штонайменьше троих членов мусит быти членами Правления, а двоих оставших ся заступниками членов Правления, засіданя в других місцевостях отбывають ся в комплектах, складаючих ся с троих членов, с котрых штонайменьше оден мусит быти членом Правления, а два инши заступниками.

Засіданя льокальны отбывають ся в ділах льокальных и мають ціль приготовить плян работ на найближший период діланя. Ухвалы засідань льокальных, маючих за предмет діла загальны, мають характер провизорычный и мусят быти затверждены на найближшом пленарном засіданю Правления. В ділах важных, требующих скорого рішеня могут члены Правления місцевого увідомити писемно всіх членов Правления о даном ділі в цілі засягнення их опинии.

Ухвалы Правления западають звычайным большинством голосов, а в случаю ровности голосов рішат голос председателя.

Перед каждым Общим Собранєм Правленє мусит того самого дня, або дня попередного, отбыти пленарне засіданє в цілі уладження актуальных діл, маючих быти предметом обрад Общого Собраня.

(Продолженє в слід. числі).

Што чути в світі.

Льондон: Газеты англицы доносят, же абисынске правительство диспонує сумом 50 миллионов фунтов старлингов (1.300 миллионов злотых) переназначено на купно оружия и амуниции. Сума тот в серебряных таларах и золоті єст переказана ріжним фабрикам оружия в Европі и Америкі.

Париж: Ляваль прирек англицкому министру заграничных діл, же в случаю нежданого атак на Середземном Морі, французскы базы флотны будут отданы до распорядимости флоты англицкой.

Гага: Перевага послов голядского парламента высказало ся за признанем „de iure” правительства С. С. С. Р. и за нязванем дыпломатичных спонень медже Голяндиом и Совітами.

Стамбул: Дня 20. жолтня в цілой Турции отбыл ся спис населеня. В том дні с зарядженя правительства не можна было никому выйти с дому до год. 6-той вечером, и то так туркам, як и чужим. На улицах видно было лем комисарей, переводячих списы и войсковы патрулі, котры перестерігали выполнения зарядженя. Спис выказал, же Турция числит 16,188,176 жителей. Прирост от 1927 р. выносит 23 0/0.

Женева: Комитет 18-тох рішил, што санкции против Италии войдут в жите 18. листопада.

Токио: Добре освідомлены жерела подают, што медже маршалом Чанг-Кай-Чеком и генералом Янг-Си-Швангом заключено договор в ділі организации сопротивления японским плянам в полнотном Кытаю. Ген. Янг-Си-Шванг прийме головну команду над кытайскыма войсками.

Нанкин: На председателя [Рады] Министров кытайского правительства Ванг-Чинг-Вей напал испанскый репортер и ранил его двома кулями. Репортер заявил, што хотіл убити министра за его японофильску политику.

Москва: В Красноводску, в часі наплення нафтом парохода - цыстерны „Совнарком” наступил с незнаной причины взрыв. Пароход утонул. Чотырох моряков убито, а пятый умер в шпиталі.

Рим: Для ошадности на державных железных дорогах в Италии поменьшано рух пассажерских поїздов о 45 поїздов.

Відень: Правительство німецке намірат отпродати Англіи 4 великы кораблі за ціну 200 тысяч марок, бо потребує грошей. Сума купна має быти заплачена Німеччині в золоті и суровых товарах.

Прага: Президент Масарык освободил председателя министров Ивана Малипетра и именовал на его місце дотеперешного министра рольництва Годжу.

Рим: В приватных підприємствах и во всіх галузях администрации в Италии заряджено вчаснійше розпочинанє и конченє работ о одну годину. Ходит о ошадность в світлі и опалі. Цілый ряд різницких sklepов перестал уж продавати мясо. В готе-

лях и реставрациях введено ограничєня при выдаваню мясных страв. Правительство зазывает населє до бойкота заграничных товаром, а передовсем англицких.

Москва: Завалил ся в Москві 6-то по-верхний величезный дом, переназначеный для фильмового промысла, котрого будова была уж на окончєню. С под розвалин добыто убитых и раненых работников.

Атєны: До Лондона выїхала делегация, котра официально повідомит короля Юрия о результаті плебисцита (за монархиом голосовало 1,491.992 людей, а за републиком 32.454) и именем грецкого народа попросит его вернути на королевскый престол.

Найбольша армата: Перед величезном толпом американского населєня отбыл ся показ наибольшей арматы світа. Куля новой арматы важит 1.000 кг. и была вышмарена на отдалєнє 48 км.

В Москві арестовано Кирилла Вальницкого. К. Вальницкий грал видну роль в национальном житю Львова. Он основал Т-во „Сельроб” и был выбранный послом до Сейма в Варшаві. За его комунистичну діяльність грозил ему в Польщі арест и он утек до Совітов, где занимал высокы посты. По незнанным причинам арестовали его совітскы власти и вывезли на 5 літ до углекопов в Азии.

Вісти с краю.

Варшава: Державна служба здоровля одержала рапорт о появленю ся в Польщі хвороты „твердель”, котра поводит зарастанє отдыховых путей и смерть. Твердель выступил в 2-ох случаях на терені центральных воєводств.

Варшава: Дня 3.XI. приїхала до Варшавы мисия англицких промышленников, котра має на цілі познакомити ся с условиями сотрудничества с польским рынком в духу взаимного пополняня ся обох национальных господарств.

Варшава: Дня 4.XI. подписано в Варшаві торговельный трактат польско-німецкий. Польша буде вывозити до Германии дерево, масло, яйца и др. землеплоды. С Німеччины Польша буде спроваджати прецезийны приряды мірничы, фотографичны, самоходы, хемикалия, медыкаменты и т. д. Договор заключено на 1 рок с правом автоматичного

продолженя в случаю невыповідженя ей через дакотру сторону. До договора додано клявзулю, даючу Польщі возможность перевоза рогатого статку через Німеччину.

Перемышль: На терені повіта перемышльского в селі Татовичи натрафлено на сильну жилу доброй нафтовой ропы.

Крыница: В ночи на 5-го т. м. повстал пожар в молочарні „Селянка”, находячой ся под Яворином в Чорном Потоці. Спалил ся цілый будынок и инвентар. Будынок был власностью войта с Крыницы-Села, Алексия Громосьяка. Молочарню держал в аренді Тадей Стровский. Огень повстал от комина. Страта выносит около 20000 злотых.

„Роботник” и „Wiek Nowy” доносят, же кружат вісти о частичной реконструкции правительства. Мають уступити министр правосудия Михальский и министр заграничных діл Бек.

Варшава: Дня 7. т. м. декретом Пана Президента Р. П. П. закрыто незвычайны сєсии Сейма и Сената, котры были скликаны для ухваленя полномочий.

До Варшавы приїхал венгерскый министр просвіщеня. Вызита его єст дальшом манифестациом добрых сусідских отношень медже Польщом и Венграми.

Загальне рочне собрание членов чит. М. Качковского в Квятиони

отбуде ся в неділю дня 17. листопада 1935. о год. 2-ой пополудни в домі Ивана Прусака

со слідуячом програмом:

- 1) Открытє собрания и выбор президии.
- 2) Отчитанє протокола с послідного загального собрания.
- 3) Отчет о діяльности Выділа за послідный рок.
- 4) Уділенє абсолютории уступаючому выділу.
- 5) Выбор нового выділа и ревизийной комиссии.
- 6) Внесєня членов.

Кому дороге руске имя, просимє взяти участь в нашем собрании.

За выділ читальні:

Е. Цымбала
предсідатель.

В ЗИМІ ОТБУДЕ СЯ В КРЫНИЦІ СЕЛІ

курс ткацкий

Оплата за науку на курсі выносит 2 зл. Участники курсу не достают помещєня и удержаня. Курсанты мусят приготовить льняну, або волняну пряжку. Мусят они обовязати ся перестерігати рыгор школьный. Зголошеня принимат администрация газеты Лемко в Крыници.

Важне для читалень и аматорских кружков!

В КРЫНИЦІ-СЕЛІ ОТБУДЕ СЯ ДВО-МІСЯЧНЫЙ КУРС ДЫРЫГЕНТОВ ХОРОВ.

Курс начне ся 1. грудня т. р. и обийме теорию и практику потребну до ведєня аматорских хоров. Буде учити ся также церковного співу.

Оплата за науку на курсі выносит 20 злотых. Курсанты с инших сел достанут помещєнє, без удержаня. Удержанє мусит покрыти сам курсант.

Кромі того устроює ся в том самом часі также

ВЫСШИЙ КУРС

для тех, котры уж в прошлом року окончили курс низший. Оплата за курс высший выносит 25 злотых.

Зголошеня принимат
г-н Александер Ропицкий в Крыници Здроу
вила „Юранд”